

春
秋
左
傳
詁

春秋左傳詁卷五

陽湖洪亮吉學

傳

惠公元妃孟子詁謚法愛人好與曰惠又曰柔質慈民曰
惠史記魯世家惠公名弗湟世本作弗皇陸德明釋文
作不皇春秋元命包元首也詩閟宮建爾元子毛傳亦
同傳曰嘉耦曰妃爾雅釋詁孟長也張揖廣雅釋詁孟
始也世本宋子姓杜本孟子卒詁服虔云重言孟子者
嫌與惠公俱卒故重言之本鄭元禮記注卒終也劉熙
釋名卒竟也繼室以聲子詁呂覽上德篇高誘注繼續
也王逸楚辭注同禮記三十壯有室鄭元注有室有妻

稱室也諡法不生其國曰聲服虔云聲子之諡非禮也

杜佑通典引

生隱公諡法隱拂不成曰隱又不顯尸國曰

隱又見美堅長曰隱世本隱公名息姑史記止作息宋

武公生仲子諡史記宋世家乃命微子開代殷後國于宋

世本宋更名睢陽諡法剛強直理曰武又威強敵德曰

武又克定禍亂曰武又刑民克服曰武又夸志多窮曰

武鄭元禮記注仲中也一切經音義引韓詩同言位在

申也仲子生而有文在其手諡王充論衡雷虛篇紀妖

篇並作有文在其掌自然篇仍作手字按古掌字本作

爪說文爪从反爪孟子母仇氏仇卽爪之誤也曰爲魯

夫人諡史記周本紀封弟周公旦于曲阜曰魯應劭曰曲

阜在魯城中委曲長七八里曲禮曰諸侯曰夫人鄭元注夫之言扶釋名諸侯之妃曰夫人夫扶也扶助其君也故仲子歸于我爾詩毛傳婦人謂嫁曰歸鄭元禮記注歸謂歸夫家也虞翻易注歸嫁也杜本此生桓公而惠

公薨爾諡法辟土服遠曰桓又克敬勤民曰桓又辟土兼

國曰桓是以隱公立而奉之爾賈逵云隱立桓爲太子

奉以爲君本疏稱賈逵解詁鄭眾以爲隱公攝立爲君奉桓爲

太子同上梭柱注亦本賈義惟正義以奉以爲君爲賈之

妄不知賈實依經爲訓使國人知桓有君道而奉之非

隱以君禮奉桓也周禮鄭注奉猶進也廣雅奉持也又

云奉獻也是奉皆有尊崇之義故賈云奉以爲君耳

隱公元年春王周正月不書卽位攝也說文攝引持也

鄭元周禮注攝訓爲代或云攝假也杜本賈服之徒以

爲四公皆實卽位孔子修經乃有不書本劉賈穎爲傳

文生例云恩深不忍則傳言不稱恩淺可忍則傳言不

書同賈氏云不書隱卽位所以惡桓之篡釋三月公及

邾儀父盟于蔑邾子克也未王命故不書爵曰儀父貴之

也釋文一本賈服以爲北杏之會時已得王命本服虔

云爵者醮也所以醮盡其材也同公攝位而欲求好於

邾故爲蔑之盟夏四月費伯帥師城郕說文郕魯亭

也杜本不書非公命也初鄭武公娶于申曰武姜說

地理志南陽郡宛故申伯國杜本賈逵云凡言初者隔

其年後有禍福將終之乃言初也

本疏

白虎通娶者取也

按釋文本娶多作取生莊公謂諡法窾通克服曰莊又
兵甲亟作曰莊又勝敵志彊曰莊及其叔段謂賈服以
其爲諡諡法敬長事上曰其按以其爲諡賈服之義爲
長正義云見殺出奔無人與之爲諡今攷魯之穆伯晉
之欒懷子皆出奔見殺得有諡叔段莊公母弟雖出奔
得追諡可知杜云段出奔其故云其叔則虜公出奔其
池亦當謂之其乎明當以賈服爲長也莊公寤生謂按
應劭風俗通不舉寤生子俗說兒墮地未可開目便能
視者謂寤生是寤生始生卽開目者又南涼錄慕容德
傳德母晝寢而生德父號曰此兒易生如鄭莊公則又

以易生爲寤生今考杜注以莊公因寤寐而生則與慕容德正同故注義亦與德父孰之言相似驚姜氏故名曰寤生遂惡之愛其叔段欲立之亟請於武公公弗許及莊公卽位爲之請制爾京相璠曰制鄭邑水經地理志河

南郡成臯故虎牢或曰制

杜本

按杜注地理多取京相

璠說公曰制巖邑也

釋文巖本又作巖

爾雅釋山巖嶢巖山

貌也按成臯四面皆山故曰巖邑號叔死焉爾地理志

河南郡滎陽應劭曰故號國今號亭是也

杜本

按地理

志又云子男之國號會爲大恃勢與險鄭語史伯亦云

號叔恃險此卽號叔恃巖邑之證佗邑惟命請京爾買

達云京鄭都邑

史記

集解地理志河南郡京師古曰卽鄭共

叔段所居也

杜取此

使居之謂之京城大叔祭仲曰都城

過百雉國之害也

韻賈逵馬融鄭元王肅之徒爲古學者

皆云雉長三丈

本疏

古春秋左氏說云百雉爲長三百丈

方五百步

禮記疏

左氏說一丈爲板板廣二尺五板爲堵

一堵之牆長丈高丈三堵爲雉一雉之牆長三丈高一

丈以度其長者用其長以度其高者用其高也

本疏引五經異

義

按諸說不同杜蓋取賈說先王之制大都不過參國

之一中五之一小九之一韻周書作雒解大縣立城方王

城三之一小縣立城方王城九之一不舉中從可知案

與祭仲之言適合所謂先王之制也今京不度韻說文

度法制也

杜本此

非制也君將不堪公曰姜氏欲之焉辟

害對曰姜氏何厭之有不如早爲之所無使滋蔓謂服虔

云滋益也蔓延也謂無使其益延長也

眾經音義

蔓難圓也

蔓草謂說文蔓葛屬椈葛屬皆延藤故上云滋蔓猶不可

除況君之寵弟乎公曰多行不義必自斃謂說文斃頓仆

也斃或从死韋昭國語注斃踏也

杜本此

子姑待之謂詩

毛傳姑且也

杜本此

既而大叔命西鄙北鄙貳於已謂椈

周語百姓攜貳韋昭注貳二心也此貳于已義亦當然

杜注云兩屬蓋望文生訓非本義公子呂曰國不堪貳

君將若之何欲與大叔臣請事之若弗與則請除之無生

民心公曰無庸將自及大叔又收貳以爲己邑至于廩延

謂說文邲鄭地今本作延案下傳晉侯伐鄭及邲唐開

成石經本卽作鄰三國魏志袁紹渡延津追擊魏武卽

此道元云河水自酸棗縣又東北通謂之延津

杜亦同子

封曰可矣厚將得眾公曰不義不暱厚將崩

說文

黏

也春秋傳曰不義不黏按今本作暱暱與黏音同又假

借字今考不黏之義正與將崩相屬自當以黏黏爲長

杜訓親暱失之又按考工記凡昵之類不能方鄭司農

云故書昵或作穢杜子春云穢讀爲不義不昵之昵或

爲黏黏也賈公彥引左傳亦作昵李善文選注引左

傳同吾友陳樹華云唐元度九經字樣黏字注音符相黏

也見春秋則知唐時尚有作黏者大叔完聚

說文

服虔以

聚爲聚

本

按完聚以服說爲長杜云城郭人民

失之繕甲兵具卒乘說文繕補也廣雅繕治也三倉

同高誘呂覽注步曰卒眾經音義引三蒼載曰乘杜本此

將襲鄭白虎通德論襲者何謂也行不假塗掩人不備

也夫人將啓之說文啓開也杜本此公聞其期曰可矣

命子封帥車二百乘以伐京司馬法兵車一乘甲士三

人步卒七十二人杜本此炊家子十人固守衣裝五人廐

養五人樵汲五人輕車七十五人重車二十五人故二

乘兼一百人爲一隊京叛大叔段段入于鄆公伐諸鄆

五月辛丑大叔出奔共賈逵曰共國名史記地理志河

內郡其故國杜本此書曰鄭伯克段于鄆段不弟故不言

弟如二君故曰克稱鄭伯譏失教也謂之鄭志不言出奔

之也莊服虔云公本欲養成其惡而加誅使不得生出

此鄭伯之志意也本疏杜遂寘姜氏于城穎穎虞翻易

注寘置也釋文同賈逵云鄭地杜取按水經注洧水南

有鄭莊公望母臺而誓之曰不及黃泉穎服虔云天元

地黃泉在地中故曰黃泉史記集解一曰泉注地中故

曰黃泉也李善文無相見也選注既而悔之穎考叔為穎谷

封人穎賈逵云穎谷鄭地水經穎水出穎川陽城縣西

北少室山酈道元云穎水有三源奇發右水出陽乾山

之穎谷春秋穎考叔為其封人按廣韻穎禾末也穗也

又姓左傳有穎考叔今攷穎考叔以穎谷得名謂作穎

誤聞之有獻於公公賜之食食舍肉公問之對曰小人

有母皆嘗小人之食矣未嘗君之羹請以遺之爾雅肉

謂之羹字林臘肉有汁也公曰爾有母遺繫我獨無爾

按僖五年服虔注繫發聲也則此亦當同杜注云語助

即取此義穎考叔曰敢問何謂也公語之故且告之悔

對曰君何患焉若闕地及泉爾詩蟬蟬掘閱鄭箋掘地解

閱謂其始生也管子山權發篇北郭有掘闕而得龜者

尹知章注掘穿也求物及穿地至泉曰闕吾友桂馥云

掘閱掘闕即左氏闕地之義隧而相見爾賈達國語注

闕地通路曰隧鄭元禮記注隧延道也杜本聲類埏墓

隧也文選後漢書陳蕃傳不閉埏隧其誰曰不然公從

之公入而賦大隧之中其樂也融融爾惠棟補注曰融古

文作彤張衡思元賦展洩洩以彤彤李善注引左傳鄭
莊公入而賦大隧之中其樂也彤彤融與彤古字通按
穀阮碑亦以彤爲融姜出而賦大隧之外其樂也泄泄

韻服虔云入言公出言姜明俱出入互相見本思元賦

舊注泄泄彤彤皆和貌按泄泄諸本皆作洩因避唐諱今

訂正下同遂爲母子如初君子曰穎考叔純孝也**韻**爾

雅純大也詩毛傳同愛其母施及莊公詩曰孝子不匱

韻鄭元禮記注匱乏也永錫爾類**韻**王逸楚辭章句類

法也詩云永錫爾類其是之謂乎秋七月天王使宰

咺來歸惠公仲子之賄緩且子氏未薨故名天子七月而

葬同軌畢至**韻**鄭元服虔皆以軌爲車轍也本說文同諸

侯五月同盟至大夫三月同位至士踰月外姻至說文

姻婿家也女之所因婚婦家也按散言之則並通故詩

曰懷婚姻也周禮睦嫺鄭注姻親於外親也嫺姻古字

通杜注姻猶親也本此贈死不及尸弔生不及哀豫凶

事

諸本或作預
从宋本改

高誘淮南王書注韋昭國語注並云豫

備也非禮也 八月紀人伐夷應劭漢書注劇縣故

紀侯國今紀亭是

杜本此

夷不告故不書 有蜚不爲災

亦不書說文蜚臭蟲負蟻也

杜本此

惠公之季年敗宋師

于黃地理志陳畱郡外黃臣瓚曰縣有黃溝故氏之也

杜亦同

公立而求成焉九月及宋人盟于宿始通也 冬

十月庚申改葬惠公賈逵云改備禮也

太平御覽

公弗臨

賈逵云葬嗣君之事公弗臨言無恩禮曰改葬總也上同

故不書惠公之薨也有宋師太子少節服虔以爲宋師卽

黃之師也是時宋來伐魯公自與戰本疏葬故有闕節賈

逵云言是以禮闕故御覽是以改葬 衛侯來會葬不見

公亦不書節地理志河內郡朝歌紂所都周武王弟康叔

所封更名衛杜本此鄭其叔之亂公孫滑出奔衛衛人爲

之伐鄭取廩延鄭人以王師虢師伐衛南鄙節地理志宏

農郡陝故虢國北虢在大陽東虢在滎陽西虢在雒杜本

此請師于邾邾子使私于公子豫豫請往公弗許遂行

及邾人鄭人盟于翼不書非公命也 新作南門不書亦

非公命也 十二月祭伯來非王命也 眾父卒公不與

小歛故不書目謂賈逵云不與大歛則不書卒本疏

二年春公會戎于潛修惠公之好也戎請盟公辭莒子

娶于向向姜不安莒而歸夏莒人入向以姜氏還司空

無駭入極費庠諸本誤作庠字今从釋文改正父勝之戎請盟秋盟于

唐復修戎好也九月紀裂繻來逆女卿爲君逆也冬

紀子帛莒子盟于密魯故也鄭人伐衛討公孫滑之亂

也

三年春王三月壬戌平王崩赴以庚戌故書之夏君氏

卒聲子也不赴于諸侯不反哭于寢不耐于此上三字于字諸本皆誤於

今从石經宋本訂正姑故不曰薨不稱夫人故不言葬不書姓爲公

故曰君氏鄭武公莊公爲平王卿士謂賈逵云卿士之

有事者六卿也

御覽

王貳于虢鄭伯怨王王曰無之故周

鄭交質國韋昭國語注質信也王子狐國賈逵云周平王

之子

同上村取此

爲質於鄭鄭公子忽國賈逵云鄭莊公太

子忽也

同上

說文囙出氣詞也从日象氣出形春秋傳曰

鄭太子忽按古今人表仲忽作中智揚雄傳于時人皆

智之漢樊敏碑奄智滅形智乃古忽字爲質於周王崩

周人將昇虢公政國詩毛傳昇與也釋文同四月鄭祭足

帥師取溫之麥國賈逵云溫周地名蘇氏邑也

同上漢書地

理志河內郡溫故國已姓蘇忿生所封也按云四月云

秋皆舉夏時而言杜注非也秋又取成周之禾國地理

志河南郡洛陽是爲成周

杜本此

周鄭交惡君子曰信不

由中質無益也明恕而行要之以禮雖無有質誰能閒之

苟有明信詩正義采藜引傳作明德澗谿沼沚之毛爾雅山夾水澗

山澗無所通谿說文同按杜注云谿亦澗誤詩毛傳沼

池也沚渚也廣雅毛草也詩采藜傳引此毛即作草杜本

此蘋蘩蕓藻之菜詩毛傳蘋大萍也蘩幡蒿也藻聚

藻也按杜注蕓藻聚藻也是訓蕓為聚非毛傳意今攷

顏氏家訓書證篇引郭注三倉云蕓藻之類也則蕓亦

水草不可空訓作聚且尋上下文義澗谿沼沚筐筥錡

釜皆四者並舉況蕓字从草何得空訓作聚杜氏之說

疎矣筐筥錡釜之器詩毛傳方曰筐員曰筥有足曰

錡無足曰釜杜並本此潢汙行潦之水詩服虔云畜小水謂

之潢水不流謂之汙行潦道路之水是也

本

疏一云水不

泄謂之汙

文選注

可薦於鬼神可羞於王公鬲鄭元周禮

注薦羞皆進也未食未飲曰薦既食既飲曰羞核此傳

于鬼神言薦于王公言羞蓋卽此意杜羞字注本此而

況君子結二國之信行之以禮又焉用質風有采蘩采蘋

雍有行葦泂酌昭忠信也武氏子來求賻王未葬也

宋穆公疾召大司馬孔父而屬殤公焉鬲諡法短折不成

曰殤曰先君舍與夷而立寡人寡人弗敢忘若以大夫

之靈鬲辭絲東京賦注靈明也得保首領以沒鬲說文勅

終也从肉勿聲殷字注云殷或从旻先君若問與夷其

將何辭以對請子奉之以主社稷寡人雖死亦無悔焉對

曰羣臣願奉馮也公曰不可先君以寡人爲賢使主社稷若弃德不讓是廢先君之舉也豈曰能賢光昭先君之令德可不務乎吾子其無廢先君之功使公子馮出居于鄭八月庚辰宋穆公卒殤公卽位君子曰宋宣公卽諡法聖善周聞曰宣可謂知人矣立穆公其子饗之命以義夫商頌曰殷受命咸宜百祿是何石經及諸本作荷今從詩頌及釋文改正其是之謂乎 冬齊鄭盟于石門尋盧之盟也卽按哀十二年

傳服虔注尋之言重也溫也義當同此地理志泰山郡

盧郡國志屬濟北國杜本此庚戌鄭伯之車僨于濟卽服

虔云僨仆也漢書注按釋文取服說水經濟濟水出河東垣

縣東王屋山爲沈水至鞏縣北入于河衛莊公娶于齊

東宮得臣之妹韻服虔云得臣齊世子名居東宮

詩疏杜取此

曰莊姜美而無子衛人所爲賦碩人也又娶于陳韻地理

志淮陽國陳故國舜後胡公所封

杜本此

曰厲嬀韻諡法

暴慢無親曰厲世本陳嬀姓生孝伯早歿其娣戴嬀生

桓公韻諡法典禮無愆曰戴莊姜以爲己子公子州吁嬀

人之子也韻說文嬀便嬀愛也有寵而好兵公弗禁韻廣

雅禁止也莊姜惡之石喈諫曰韻賈逵云衛上卿

史記集解

按說文無喈字當作喈說文諧大聲也諧或从喈今本

喈字當屬喈傳寫之譌又熹平石經作踏廣韻踏敬也

按莊十九年敗黃師于踏陵石喈字或从此今定从喈

臣聞愛子教之以義方韻廣雅方義也何晏論語注方義

方也弗納于邪驕奢淫佚韻說文泆水所蕩泆也按此

喻人性蕩泆如水所自邪也四者之來韻服虔云言此

四者過從邪起本疏寵祿過也將立州吁乃定之矣若猶

未也階之爲禍夫寵而不驕驕而能降降而不感感而能

眦者鮮矣韻鄭元禮記注感恨也釋文本此按感字下已

从心再加心旁非是今諸刊本皆誤作憾此从石經宣

十一年二感往矣成二年釋感等字尙皆作感因據改

下並同說文眦目有所恨而止也按爾雅釋言眦重也

釋文本此且夫賤妨貴少陵長遠間親新聞舊小加大

淫破義所謂六逆也君義臣行父慈子孝兄愛弟敬所謂

六順也去順效逆所以速禍也君人者將禍是務去而速

之無乃不可乎弗聽其子厚與州吁游禁之不可桓公立
乃老

四年春衛州吁弑桓公而立公與宋公爲會將尋宿之盟
未及期衛人來告亂夏公及宋公遇于清宋殤公之

卽位也公子馮出奔鄭鄭人欲納之及衛州吁立將修先

君之怨於鄭國服虔以先君爲莊公本疏一云隱二年鄭人

伐衛先君莊公詩疏按州吁弑桓公必不更爲之修怨此

先君服說指莊公最是杜注非也而求寵於諸侯以和

其民使告於宋曰君若伐鄭以除君害國服虔云公子馮

將爲君之害詩疏君爲主敵邑以賦國服虔云賦兵也以

田賦出兵故謂之賦同上與陳蔡從則衛國之願也宋人

許之於是陳蔡方睦於衛地理志汝南郡上蔡故蔡國

社本故宋公陳侯蔡人衛人伐鄭服虔云衛使宋爲

主使大夫將故敘衛于陳蔡下同詩序使公孫文仲將

而平陳與宋核詩序蓋本毛傳孫子仲謂公孫文仲也

圍其東門五日而還公問於眾仲曰衛州吁其成乎對曰

臣聞以德和民不聞以亂以亂猶治絲而棼之也廣雅

紛紛亂也紛紛古字通釋文亦云棼亂也夫州吁阻兵

而安忍節文選注引此傳文并杜注云阻恃也今杜注無

之則此三字或係服注阻兵無眾安忍無親眾叛親離

難以濟矣夫兵猶火也弗戢節詩鄭箋戢斂也將自焚也

夫州吁弑其君而虐用其民於是乎不務令德而欲以亂

成必不免矣 秋諸侯復伐鄭宋公使來乞師公辭之羽
父請以師會之公弗許固請而行故書曰翬帥師疾之也
諸侯之師敗鄭徒兵取其禾而還 州吁未能和其民厚
問定君於石子石子曰王覲爲可曰何以得覲曰陳桓公
方有寵於王陳衛方睦若朝陳使請必可得也厚從州吁
如陳石喑使告於陳曰衛國褊小韻王逸楚辭章句褊狹
也老夫耄矣韻說文年九十曰耄从老从高省玉篇收
耄耄二字耄字下注與上同亦作耄五經文字耄字从
老省从毛今从釋文及石經作耄後同按經典通作旄
周禮再赦曰老旄禮記旄期稱道不亂者孟子反其旄
倪是也又作眊漢書武帝紀哀夫老眊孤寡寡獨平帝

紀及眊悼之人師古曰眊古耄字八十曰眊是耄耄耆
旄眊本一字古通無能爲也此二人者實弑寡君敢卽
圖之陳人執之而請泄于衛圖鄭元儀禮注蒞臨也下並

同九月衛人使右宰醜泄殺州吁于濮圖服虔云右宰

醜衛大夫濮陳地

史記集解

石喑使其宰孺羊肩泄殺石厚

于陳君子曰石喑純臣也惡州吁而厚與焉大義滅親其
是之謂乎 衛人逆公子晉于邢圖賈逵云邢周公之允

姬姓國

同上

冬十二月宣公卽位書曰衛人立晉眾也

五年春公將如棠觀魚者圖

釋文本亦作漁者臧僖

漢書作釐

伯諫曰圖世本臧僖伯彊孝公之子孝公生僖伯彊彊生

哀伯達達生佗氏瓶瓶生文仲辰

本疏及莊二十八年疏

凡物不

足以講大事其材不足以備器用則君不舉焉君將納民於軌物者也。詁廣雅軌道也高誘淮南王書注軌者法度

之名故講事以度軌量謂之軌取材以章物采謂之物

不軌不物謂之亂政亂政亟行所以敗也故春蒐釋文云本亦作

夏音蒐齊語春以筱振旅亦作搜李善文選注蒐與搜古字通漢書多作筱爾雅春獵爲蒐

夏獵爲苗秋獵爲獮冬獵爲狩按蒐亦作搜鄭元禮記

注曰春獵爲搜夏苗秋獮釋文曰獮說文作獮殺也

按今說文作獮秋田也从犬殪聲冬狩皆於農隙以講

事也三年而治兵入而振旅。詁國語蒐于農隙韋昭注隙

間也辭綜西京賦注振整理也爾雅旅眾也杜並本此歸而

飲至以數軍實。詁鄭氏云軍所以討獲曰實文選昭文章

一 卷末之作言者三
一四
【節】服虔解此亦引司馬職文明是旌旗所建用秋辨旗

物之法

本疏

明貴賤辨等列【節】小爾雅列次也順少長習

威儀也鳥獸之肉不登於俎

釋文之肉一本作其肉

【節】服虔以上登

爲升下登爲成

本疏

廣雅俎几也皮革齒牙骨角毛羽不

登于器則公不射

公當作君

古之制也若夫山林川澤之寶器

用之資阜隸之事官司之守非君所及也公曰吾將畧地

焉【節】說文畧經畧土地也遂往陳魚而觀之僖伯稱疾不

從書曰公矢魚于棠非禮也且言遠地也 曲沃莊伯以

鄭人邢人伐翼【節】地理志河東郡聞喜故曲沃晉武公自

晉陽徙此趙國襄國故邢國又河東郡絳晉武公自曲

沃徙此郡國志河東郡絳邑有翼城

杜並本此

王使尹氏武

氏助之翼侯奔隨詩韋昭國語注隨晉邑

杜本按山西圖

經隨城在今介休縣東夏葬衛桓公衛亂是以緩 四

月鄭人侵衛牧詩核爾雅郊外謂之牧非邑名與下伐宋

入其郛同前年伐鄭圍其東門故鄭亦侵其牧地以報

之又衛地無名牧者若云朝歌之牧野則亦不可僅名

爲牧明杜注非也以報東門之役衛人以燕師伐鄭詩

地理志東郡南燕本南燕國姑姓黃帝後

杜本

鄭祭足

原繁泄駕以三軍軍其前使曼伯與子元潛軍軍其後燕

人畏鄭三軍而不虞制人詩鄭箋虞度也六月鄭二公

子以制人敗燕師于北制君子曰不備不虞不可以師

曲沃叛王秋王命虢公伐曲沃而立哀侯于翼 衛之亂

也邨人侵衛故衛師入邨

九月考仲子之宮將萬焉

初學記稱韓詩萬大舞

杜本此

公問羽數於眾仲對曰天

子用八諸侯用六大夫四士二

服虔云天子八八諸侯

六八大夫四八士二八

宋書及通志

服以用六爲六八四十

八人大夫四爲四八三十二士二爲二八十六

本疏

按宋

傅隆之云若如杜注至士祇餘四人豈復成樂參詳以

服說爲是夫舞所以節八音而行八風賈逵云兌爲

金爲閭闔風也乾爲石爲不周風也坎爲革爲廣莫風

也艮爲匏爲融風也震爲竹爲明庶風也巽爲木爲清

明風也離爲絲爲景風也坤爲土爲涼風也

本疏四十九杜畧取

此按賈依易緯通卦驗文相配服虔以爲八卦之風乾

音石其風不周坎音革其風廣莫良音匏其風融震音

竹其風明庶巽音木其風清明離音絲其風景坤音土

其風涼兌音金其風閭闔本疏故自八以下公從之於是

初獻六羽始用六佾也 宋人取邾田邾人告於鄭曰請

君釋感於宋敝邑爲道鄭人以王師會之伐宋入其郛音

韋昭國語注郛郭也杜本此以報東門之役宋人使來告

命公聞其入郛也將救之間於使者曰師何及對曰未及

國公怒乃止辭使者曰君命寡人同恤社稷之難今問諸

使者曰師未及國非寡人之所敢知也 冬十二月辛巳

臧僖伯卒公曰叔父有感於寡人寡人弗敢忘葬之加一

等 宋人伐鄭圍長葛以報入郛之役也

六年春鄭人來渝平更成也。詁服虔云公爲鄭所獲釋而

不結平於是更爲約束以結之故曰渝平。

本

按經書渝

平傳曰更成今服注更爲約束云云是服亦訓渝爲更

與張揖同翼九宗正五頃父之子嘉父逆晉侯于隨納

諸鄂。

詁世本居篇云唐叔虞居鄂宋忠曰晉地今在大夏

晉人謂之鄂侯。夏盟于艾始平于齊也。五月庚申鄭

伯侵陳大獲往歲鄭伯請成于陳陳侯不許五父諫曰親

仁善鄰國之寶也君其許鄭陳侯曰宋衛寶難鄭何能爲

遂不許君子曰善不可失惡不可長其陳桓公之謂乎長

惡不悛從自及也。詁韋昭國語注悛止也詩鄭箋從隨也

杜本

雖欲救之其將能乎商書曰惡之易也如火之燎

于原不可鄉邇韻按莊十五年傳引商書亦有惡之易也

四字今盤庚無之其猶可撲滅周任有言曰爲國家者

見惡如農夫之務去草焉芟夷蕪崇之韻說文芟以足踞

夷草春秋傳曰芟夷蕪崇之按鄭司農周禮稻人注已

作芟夷蕪崇之與說文異詩毛傳除草曰芟廣雅曰夷

滅也蕪積也崇聚也杜本此絕其本根勿使能殖韻韋昭

國語注殖長也則善者信矣 秋宋人取長葛 冬京

師來告饑公爲之請糴韻廣雅糴買也於宋衛齊鄭禮也

鄭伯如周始朝桓王也王不禮焉周桓公言於王曰我

周之東遷晉鄭焉依善鄭以勸來者猶懼不醜韻說文醜

草多兒按玉篇廣韻旣已也盡也古醜旣字通杜注醜

至也亦屬同義況不禮焉鄭不來矣

七年春滕侯卒不書名未同盟也凡諸侯同盟於是稱名故薨則赴以名告終稱嗣也以繼好息民謂之禮經夏城中丘書不時也齊侯使夷仲年來聘結艾之盟也

秋宋及鄭平七月庚申盟于宿公伐邾爲宋討也初戎

朝于周發幣于公卿鄭元禮記注幣帛也凡伯弗賓

服注云戎以朝禮及公卿大夫發陳其幣凡伯以諸侯

爲王卿士不修賓主之禮敬報于戎是以冬天王使凡

伯來聘還戎伐之于楚丘以歸儀禮疏冬王使凡伯來聘

還戎伐之于楚丘以歸陳及鄭平十二月陳五父如鄭

涖盟壬申及鄭伯盟歆如忘服虔云如而也臨歆而忘

其盟載之辭言不精也

本說文引作猷而忘泄伯曰五

父必不免不賴盟矣鄭良佐如陳湫盟辛巳及陳侯盟亦

知陳之將亂也

鄭公子忽在王所故陳侯請妻之鄭伯

許之乃成昏

鄭元儀禮昏禮目錄士娶妻之禮以昏爲

期故以名焉

八年春齊侯將平宋衛有會期宋公以幣請於衛請先相

見衛侯許之故遇于犬丘鄭伯請釋泰山之祀而祀周

公以泰山之祊易許田三月鄭伯使宛來歸祊

公羊祊皆作邴下同

不祀泰山也

夏虢公忌父始作卿士于周

四月甲辰

鄭公子忽如陳逆婦媯辛亥以媯氏歸甲寅入于鄭陳鍼

子送女先配而後祖

賈逵云以配爲成夫婦也禮齊而

子送女先配而後祖

賈逵云以配爲成夫婦也禮齊而

未配三月廟見然後配

本

疏鄭眾以配爲同牢食也先食

而後祭祖無敬神之心故曰誣其祖也

同

鄭康成以祖

爲祫道之祭也先爲配匹而後祖道言未去而行配

同

賈服之義大夫以上無問舅姑在否皆三月見祖廟之

後乃始成昏故譏鄭公子忽先爲配匹乃見祖廟

禮記疏

鍼子曰是不爲夫婦誣其祖矣非禮也何以能育

齊人

卒平宋衛于鄭秋會于温盟于瓦屋以釋東門之役禮也

八月丙戌鄭伯以齊人朝王禮也

公及莒人盟于浮

來以成紀好也

冬齊侯使來告成三國公使眾仲對曰

君釋三國之圖以鳩其民

節

爾雅鳩聚也君之惠也寡君

聞命矣敢不承受君之明德

無駭卒羽父請諡與族公

問族於眾仲眾仲對曰天子建德因生以賜姓國王充論

衡囚其所生賜之姓也若夏吞薏苡而生則姓苡氏商

吞燕子而生則姓子氏周履大人跡則姓姬氏胙之士

國辭綜東京賦注胙報也杜本而命之氏諸侯以字爲

諡國服虔云公之母弟則以長幼爲氏貴適統伯仲叔季

是也庶公子則以配字爲氏尊公族展氏臧氏是也本

鄭康成駁許慎五經異義引此傳文諸侯以字爲氏惠

棟云今此以氏作諡者傳寫誤也杜考之不詳乃妄斷

其句而強解之按據服注及五經駁義則諡爲氏字之

誤甚明第承譌已久未敢更定今不以字字絕句而以

諡字爲句讀者詳之因以爲族官有世功則有官族邑

亦如之。服虔止謂異姓，又引宋司成韓魏爲證。本公命以字爲展氏。

九年春王三月癸酉大雨霖以震，書始也。庚辰大雨雪，亦

如之。書時失也。凡雨自三日以往爲霖。鄭元禮記注作三日以上。爾

雅久雨謂之淫淫，雨謂之霖，平地尺爲大雪。夏城郎

書不時也。宋公不王，鄭伯爲王左卿士，以王命討之。伐

宋，宋以入郟之役，怨公不告命，公怒絕宋使。秋，鄭人以

王命來告伐宋。冬公會齊侯于防謀伐宋也。北戎侵

鄭，鄭伯禦之。患戎師曰：彼徒我車，懼其侵軼我也。高誘

淮南王書注自後過前曰軼。公子突曰：使勇而無剛者

嘗寇。鄭元禮記注嘗猶試也。杜本而速去之，君爲三覆

以待之戎輕而不整。鄭元禮記注整正列也。貪而無親

勝不相讓，敗不相救。先者見獲，必務進；服虔云先者見

獲，言必不往相救，各自務進，言其貪利也。本疏進而遇覆

必速奔，後者不救，則無繼矣。乃可以逞。方言逞解也。廣

雅呈解也。呈與逞通。杜本此從之，戎人之前遇覆者奔祝

明逐之。諸本作賻，今从釋文石經訂正。衷，戎師也。韋昭國語注衷中也。按

謂貫其中也。前後擊之，盡殪也。說文殪，殲也。杜本此。戎師

大奔十一月甲寅，鄭人大敗戎師。

十年春，王正月，公會齊侯、鄭伯于中丘，癸丑盟于鄧，爲師

期。夏五月，羽父先會齊侯、鄭伯伐宋。六月，戊申，公會

齊侯、鄭伯于老桃。壬戌，公敗宋師于菅。庚午，鄭師入郕。辛

未歸于我庚辰鄭師入防辛巳歸于我君子謂鄭莊公於是乎可謂正矣以王命討不庭爾雅庭直也按謂諸侯

之不直者杜注殊屬曲說韋昭周語注即云庭直也不

直謂不道也不貪其土以勞王爵爾雅勞動也此杜本

正之體也 蔡人衛人邾人不會王命 秋七月庚寅鄭

師入郊猶在郊宋人衛人入鄭蔡人從之伐戴公穀皆作戴釋文曰

伐戴音再八月壬戌鄭伯圍戴癸亥克之取三師焉宋衛既入

鄭而以伐戴召蔡人蔡人怒故不和而敗 九月戊寅鄭

伯入宋 冬齊人鄭人入邾討違王命也

十一年春滕侯辭侯來朝爭長爾雅服虔云爭長先登授玉

儀禮疏 辭侯曰我先封滕侯曰我周之卜正也辭庶姓也

我不可以後之公使羽父請於辭侯曰君與滕君辱在寡人周諺有之曰詒鄭元禮記注諺俗語也釋文本此山有木工則度之詒爾雅木謂之度亦作劇廣雅云劇分也按

郭璞引此傳文卽云山有木工則劇之賓有禮主則擇

之周之宗盟詒賈逵以宗爲尊本疏服虔以宗盟爲同宗之

盟同孫毓以爲宗伯屬官掌作盟詛之載辭故曰宗盟

上同異姓爲後寡人若朝于辭不敢與諸任齒詒世本姓

氏篇任姓謝章薛呂舒祝終泉畢過此十國皆任姓高

誘呂覽注齒列也杜本君若辱貺寡人詒詩毛傳貺賜

也則願以滕君爲請辭侯許之乃長滕侯夏公會鄭

伯于邾詒水經注引此傳邾作釐京相璠曰今滎陽縣東

四十里有故釐城也

杜本此

按唐石經初刻作于時邾後

刊去時字謀伐許也鄭伯將伐許五月甲辰授兵于大

宮公孫閱與潁考叔爭車潁考叔挾軻以走服虔云考

叔挾車轅箠馬而走

本疏

鄭元儀禮注軻輶也

杜本此

子都

拔棘以逐之詩鄭箋棘戟也

杜本此

及大逵爾雅九達

謂之逵按杜注道方九軌蓋本考工記然以軌訓逵殊

誤下桓十四年傳等並同弗及子都怒 秋七月公會

齊侯鄭伯伐許庚辰傅于許晉灼漢書注傳著也潁考

叔取鄭伯之旗螯弧以先登子都自下射之顛詩毛傳

顛仆也瑕叔盈又以螯弧登周麾而呼曰詩鄭箋周

徧也王逸楚辭章句舉手曰麾

杜本此

君登矣鄭師畢登

壬午遂入許許莊公奔衛齊侯以許讓公公曰君謂許不
其故從君討之許既伏其罪矣雖君有命寡人弗敢與聞
乃與鄭人鄭伯使許大夫百里奉許叔以居許東偏曰天
禍許國鬼神實不逞于許君而假手于我寡人寡人惟是
一二父兄不能其億鄭元周禮注共猶給也韋昭國語

注億安也

杜本此

其敢以許自爲功乎寡人有弟不能和

協爾雅協和也而使餽其口於四方說文餽寄食也

方言寄食爲餽廣雅餽寄也其況能久有許乎吾子其
奉許叔以撫柔此民也吾將使獲也佐吾子若寡人得沒
于地天其以禮悔禍于許無寧茲許公復奉其社稷惟我
鄭國之有請謁焉爾雅謁告也杜本此如舊昏媾爾雅

婦之父曰昏賈達國語注重昏曰媾

一切經音義杜本此

其能降

以相從也無滋他族實偏處此以與我鄭國爭此土也吾

子孫其覆亡之不暇而況能禮祀許乎爾雅禮祀也孫

炎曰禮絜敬之祭

杜注畧同

寡人之使吾子處此不惟許國

之爲亦聊以固吾圉也爾雅圍垂也舍人曰圍拒邊垂

也

杜本此

乃使公孫獲處許西偏曰凡而器用財賄無實

於許我處乃亟去之吾先君新邑於此地理志河南郡

新鄭詩鄭國桓公之子武公所國應劭曰國語云鄭桓

公爲周司徒王室將亂寄孥與賄于虢會之間幽王敗

桓公歿之其子武公與平王東遷洛邑遂伐虢會并其

地而邑于此

杜本此

王室而既畢矣周之子孫日失其序

夫許大岳之允也。爾雅允繼也。舍人曰允繼世也。杜本此

天而既厭周德矣。吾其能與許爭乎？君子謂鄭莊公於是乎有禮。禮經國家定社稷序民人利後嗣者也。許無刑。

詩毛傳刑法也。

杜本此

而伐之服而舍之度德而處之量

力而行之相時而動無累後人可謂知禮矣。鄭伯使卒

出玃。司馬法百人爲卒。說文玃牡豕也。廣雅玃豕也行

出犬雞以詛射潁考叔者。韞韞昭國語注行行列也。鄭元

周禮注詛謂祝之使沮敗也。君子謂鄭莊公失政刑矣。

政以治民刑以正邪。既無德政又無威刑。是以及邪。邪而

詛之將何益矣。王取鄆。劉。地理志河南南郡緱氏。劉聚

周大夫劉子邑。郡國志河南南尹緱氏有鄆聚。杜本此 爲

吾友邵學士晉涵云周大夫有蔦國蓋食邑于蔦邾

石經

作邾

邾說文邾周武王子所封在河內野王是也从邑于

聲又讀若區郡國志河內郡野王有邾城水經注邾城

故邾國也之田于鄭而與鄭人蘇忿生之田温原**邾**地

理志河內郡温故國已姓蘇忿生所封也

杜本

郡國志

河內郡軹有原鄉

杜同

緡說文作邾地理志河內郡

波孟康曰今有緡城郡國志同

杜本

樊郡國志河內

郡修武有陽樊攢茅田服虔云樊仲山之所居故名陽

樊

杜取

按圖經引舊說文云仲山甫所封之樊在今南

陽疑在修武者仲山甫所居在南陽者則其封國也隰

郟

郡國志河內郡懷有隰城

杜同

按僖廿五年傳作隰

城劉昭引此傳亦作城攢茅向

石經本作攢誤

韻京相璠曰或

云今河內軹西有城名向上闕騶十三州志曰軹縣南

山西曲有故向城卽周向國也

水經注杜注同此

盟韻書禹貢

導河又東至于孟津盟孟古字通盟卽孟津也

杜本此 按

唐武德四年于孟津置盟州以此州韻地理志河內郡

州酈道元云周以賜鄭昭公按照當作莊

杜本此

陘韻按

元和郡縣志太行陘在河內縣西北三十里連山中斷

曰陘述征記曰太行山首始于河內自河內北至幽州

凡有八陘第一曰軹關陘第二曰太行陘第三曰白陘

今攷此上三陘皆在河內左近疑此傳之陘卽指太行

陘等而言然未敢以爲是姑附記于此或又以密縣陘

山當之今攷密在河以南非是隕國京相璠曰河內修

武縣北有故隕城實中水經郡國志河內郡修武縣有

隕城杜同懷國地理志河內郡懷杜本君子是以知桓

王之失鄭也怒而行之德之則也禮之經也已弗能有而

以與人人之不至不亦宜乎鄭息有違言國世本息國

姬姓說文鄭姬姓之國在淮北今汝南新鄭地理志汝

南郡新息孟康曰故息國其後徙東故加新焉杜本息

侯伐鄭鄭伯與戰于竟息師大敗而還君子是以知息之

將亡也不度德不量力不親親不徵辭不察有罪犯五不

韙國倉頡篇釋及廣雅韙是也杜本而以伐人其喪師也

不亦宜乎冬十月鄭伯以虢師伐宋壬戌大敗宋師以

報其人鄭也宋不告命故不書凡諸侯有命告則書不然則否師出滅否亦如之雖及滅國滅不告敗勝不告克不書于策 羽父請殺桓公將以求太宰公曰爲其少故也吾將授之矣使營菟裘

公羊傳作塗裘

吾將老焉國服虔云菟裘

魯邑也營菟裘以作宮室欲居之以終老也

史記集解郡國

志泰山郡梁父有菟裘聚

杜同此

羽父懼反譖公于桓公

而請弑之公之爲公子也與鄭人戰于狐壤止焉鄭人囚諸尹氏賂尹氏國詩毛傳賂遺也而禱于其主鍾巫國鄭元周禮注求福曰禱賈逵云鍾巫祭名也遂與尹氏歸而立其主十一月公祭鍾巫齊于社圃館于爲氏國服虔云館舍也爲氏魯大夫取此 壬辰羽父使賊弑

公于爲氏立桓公而討爲氏有死者不書葬不成喪也

賈穎云君弑不書葬賊不討也

釋例

桓公元年春公卽位修好于鄭鄭人請復祀周公卒易祊田公許之三月鄭伯以璧假許田爲周公祊故也 夏四月丁未公及鄭伯盟于越結祊成也盟曰渝盟無享國

秋大水凡平原出水爲大水

爾雅廣平曰原

杜本此

冬鄭

伯拜盟 宋華父督歸世本華父督宋戴公之孫好父說

之子

本疏

服虔云督戴公之孫

史記集解

見孔父之妻歸鄭元

儀禮注作孔甫云甫字或作父又士相見禮注今文父

爲甫于路目逆而送之曰美而豔歸詩毛傳色美曰豔

杜本

此

二年春宋督攻孔氏殺孔父而取其妻公怒督懼遂弑
公君子以督爲有無君之心而後動於惡故先書弑其君
會于稷以成宋亂爲賂故立華氏也宋殤公立十年十一
戰黜服度云與夷隱四年卽位一戰伐鄭圍其東門再戰
取其禾皆在隱四年三戰取邾田四戰邾鄭入其郛五
戰伐鄭圍長葛皆在隱五年六戰鄭伯以王命伐宋在
隱九年七戰公敗宋師于菅八戰宋衛入鄭九戰宋人
蔡人衛人伐戴十戰戊寅鄭伯入宋皆在隱十年十一
戰鄭伯以虢師大敗宋師在隱十一年

本疏又史記宋世家集解作賈

達注

說同民不堪命孔父嘉爲司馬督爲大宰故因民之不

堪命先宣言曰司馬則然已殺孔父而弑殤公召莊公于

鄭而立之以親鄭以郟大鼎賂公國郡國志濟陰郡成武

有郟城

杜同

齊陳鄭皆有賂故遂相宋公

夏四月取

郟大鼎于宋戊申納于太廟非禮也臧哀伯諫曰君人者將昭德塞違國高誘呂覽注塞遏也以臨照百官猶懼或失之故昭令德以示子孫是以清廟茅屋國賈逵云肅然

清靜謂之清廟

詩疏杜取此

大路越席國服虔云大路祀天

車也越席結括草以爲席也

史記集解按家語即作越席

又云大路

總名也如今駕駟高車矣尊卑俱乘之其采色有差續漢

書

注又云大路木路

本疏

王肅云不緣也

史記集解

杜注取服說

大羹不致

淮南王書作大羹不和

粢食不饗國釋文云字林作穀子

沃反云糲米一斛春爲八斗玉篇穀許委切米一斛春

爲八斗也鑿子各切左氏傳云棗食不鑿鑿精也一斛
春爲九斗也按淮南王書作棗食不穀高誘注穀細也
鑿爲穀古字假借昭其儉也裘冕蔽珽鄭司農周禮
注裘卷龍衣也釋名畫卷龍于衣也杜注畫衣本此書
孔傳冕冠也正義蔽或作韞或作蒂音義同白虎通韞
蔽膝也廣雅珽笏也皆杜注所本帶裳幅玉藻革
帶博二寸白虎通云男子有鞶帶者示有金革之事詩
毛傳在下曰裳所以配衣也鄭箋幅斜幅如今行膝也
釋名複其下曰烏衡統紘鄭司農周禮注衡維持
冠者字林統冠之垂者詩毛傳紘纓之無紘者從下仰
屬于冠纒冕上覆也杜本按張衡東京賦衡作珩李善

注引此傳亦同思元賦注云珩與衡音義同也昭其度

也藻率鞞鞞

註

服虔以藻爲畫藻率爲刷巾

本

鄭元禮記

注藻所以藉玉詩毛傳下曰鞞上曰琫按琫與鞞音義

同杜注鞞鞞正與毛傳上下相反疑誤又按東京賦作

藻粹李善注同傳遜云按禮經率帶諸侯大夫皆五采

士二采率與粹同鞞屬游纓

註

服虔云鞞大帶屬是大

帶之垂者

禮疏按詩毛傳屬帶之垂者游或作旂或作旒旌旗之垂者也

又云纓如索

帛今乘輿大駕有之

本

疏按疏云賈服等說鞞屬皆與杜

同是杜取賈服說昭其數也火龍黼黻

註

鄭司農考工

記注火謂圓形似火也鄭元云龍水物畫水者并畫龍

考工記白與黑謂之黼黑與青謂之黻書孔傳黼若斧

形黻謂兩已相背杜並本此昭其文也五色比象昭其物也

錫鸞和鈴服虔云鸞在鑣和在衡史記集解鄭元周禮注錫

馬面當盧詩毛傳鈴在旂杜取服說又本此昭其聲也三辰旂

旗服虔云三辰日月星也杜取謂之辰者辰時也日以

昭晝月以昭夜星則運行于天民得取其時節故謂之

辰也詩疏服氏注云九旂之總名儀禮注昭其明也夫德儉

而有度登降有數文物以紀之聲明以發之以臨照諸本誤作

照臨今訂正百官百官於是乎戒懼而不敢易紀律今滅德立

違而寘其賂器於大廟以明示百官百官象之其又何誅

焉國家之敗由官邪也官之失德寵賂章也郜鼎在廟章

孰甚焉武王克商遷九鼎于洛邑服虔云今河南有鼎

中觀書疏釋文云雒音洛本亦作洛書孔傳引此作洛按

地理志河南郡有雒陽師古引魚豢曰漢火行忌水故去洛水而加佳如魚氏說則光武以後始改爲雒邑今

諸刊本並皆作雒此從孔傳及宋本改正下並同義士猶或非之而況將昭違亂之賂器於大廟其若之何公不聽周內史聞之曰臧孫達其有後於魯乎君違不忘諫之以德 秋七月杞侯來朝不敬杞侯歸乃謀伐之 蔡侯

鄭伯會于鄧始懼楚也國地理志南郡江陵故楚郢都楚

王自丹陽徙此杜本九月入杞討不敬也 公及戎盟

于唐修舊好也 冬公至自唐告于廟也凡公行告于宗廟反行飲至舍爵國高誘呂覽注爵飲爵策勳焉禮也特

相會往來稱地讓事也自參以上則往稱地來稱會成事也
初晉穆侯之夫人姜氏以條之役生太子命之曰仇

詒高誘呂覽注暗國名也音晉今爲晉字之誤也此說

未詳然古人或有依據附此存攷廣雅命名也按說文

名自命也其弟以千畝之戰生**詒**郡國志太原郡界休

有千畝聚杜同命之曰成師漢書志二命師服曰**詒**賈

逵云晉大夫史記集解異哉君之名子也**詒**按史記名

作命名與命古字通夫名以制義義以出禮禮以體政

政以正民是以政成而民聽易則生亂嘉耦曰妃怨耦曰

仇古之命也**詒**按說文引虞書云怨匹曰仇然則此二語

古書之辭故杜注亦以爲自古有此言陳樹華云禮記

緇衣引詩云君子好仇鄭氏注云仇匹也詩國風君子好逑鄭氏箋云怨耦曰仇陸氏音義云逑音仇本又作仇是仇與逑通但此言怨耦則義自不同今君命大子曰仇弟曰成師始兆亂矣兄其替乎詩毛傳替廢也釋文本此惠士奇曰三體石經作替按替乃隸省依說文當作替今从石經定作替惠之二十四年石經凡經傳文二十皆作廿字三十皆作卅惟四十仍作四十晉始亂故封桓叔于曲沃靖侯諡法柔德安眾曰靖又恭己鮮言曰靖又寬樂令終曰靖之孫欒賓傳之師服曰吾聞國家之立也本大而末小是以能固故天子建國諸侯立家卿置側室大夫有貳宗士有隸子弟服虔云士

卑自以其子弟爲僕隸祿不足以宗是其有隸子也

儀禮疏
杜取此

庶人工商各有分親皆有等衰是以民服事

其上而下無覬覦說文覦欲也服虔覦作窺云窺謂舉

足而視也

一切經
音義

吾友王給事念孫曰漢書武五子傳

廣陵王胥見上年少無子有覬欲心卽覬覦也今晉甸

侯也而建國本旣弱矣其能久乎惠之三十年晉潘父弑

昭侯而納桓叔諡法容儀恭美曰昭又昭德有勞曰昭

又聖聞周達曰昭不克晉人立孝侯諡法五宗安之

曰孝又慈惠愛親曰孝又秉德不回曰孝又協時肇厚

曰孝惠之四十五年曲沃莊伯伐翼弑孝侯翼人立其

弟鄂侯鄂侯生哀侯哀侯侵陘庭之田

庭史記
作廷

賈逵云

翼南鄙邑名

史記集解
杜取此

陘庭南鄙啓曲沃伐翼

三年春曲沃武公伐翼次于陘庭韓萬御戎梁宏爲右

世本武公莊伯子韓萬莊伯弟

本疏

服虔云韓萬晉大夫

曲沃桓叔之子莊伯之弟晉大夫以韓爲氏

詩疏史記
集解作賈

注說同
杜取此

逐翼侯于汾隰

水經汾水出太原汾陽縣北

管涔山東南過晉陽縣爾雅下濕曰隰

杜本此

驂絰而止

詁

鄭元儀禮注駢馬曰驂廣雅絰縣也

杜本此

夜獲之及

樂共叔

會于贏成昏于齊也

夏齊侯衛侯胥命于蒲

不盟也

公會杞侯于郕杞求成也

秋公子翬如齊逆

女修先君之好故曰公子齊侯送姜氏

釋文本或作送

姜氏于謹水經注引傳文又作齊侯送姜氏于下謹非

禮也凡公女嫁于敵國姊妹則上卿送之以禮於先君公子則下卿送之於大國雖公子亦上卿送之於天子則諸卿皆行公不自送於小國則上大夫送之 冬齊仲年來聘致夫人也 芮伯萬之母芮姜惡芮伯之多寵人也故逐之出居于魏音地理志在馮翊臨晉芮鄉故芮國河東

郡河北詩魏國世本芮魏皆姬姓

本疏杜本此

四年春正月公狩于郎書時禮也 夏周宰渠伯糾來聘父在故名 秋秦師侵芮敗焉小之也 冬王師秦師圍魏執芮伯以歸音汲郡古文云取芮伯萬而東之

五年春正月甲戌己丑陳侯鮑卒再赴也於是陳亂文公子佗殺大子免而代之公疾病音鄭元論語注病謂疾困

也

本疏

按白虎通巡狩篇傳曰甲戌之日亡己丑之日死

而得有狂易之病蜚亡而死由不絕也據此則鮑之病

蓋狂易甲戌日已亡尙未絕己丑日始盡死耳而亂作

國人分散故再赴夏齊侯鄭伯朝于紀欲以襲之紀人

知之王奪鄭伯政鄭伯不朝秋王以諸侯伐鄭鄭伯

禦之王爲中軍虢公林父將右軍蔡人衛人屬焉周公黑

肩將左軍

賈逵云

黑肩莊王弟子儀也

史記周本紀集解

陳人

屬焉鄭子元請爲左拒以當蔡人衛人爲右拒以當陳人

曰陳亂民莫有鬪心若先犯之必奔王卒顧之必亂蔡衛

不枝

高誘戰國策注支猶拒也支枝字同韋昭國語注

枝柱也固將先奔旣而萃于王卒可以集事從之

易

豕下傳萃聚也詩鄭箋集猶成也

杜本此

晏伯爲右拒祭

仲足爲左拒原繁高渠彌

史記作高渠咺

以中軍奉公爲魚麗之

陳先偏後伍

司馬法車戰二十五乘爲偏周禮司馬五

人爲伍

杜本此

伍承彌縫**廣雅**釋詁縫合也戰于繡葛

命二拒曰旂動而鼓**賈逵**以旂爲發石一曰飛石范蠡

兵法云飛石重二十斤爲機發行二百步

本疏

說文旂建

大木置石其上發以機以礮敵釋文云旂說文作檜按

今刻本說文仍作旂又按三國志太祖爲發石車擊袁

紹注引魏氏春秋曰以古有矢石又傳言旂動而鼓說

曰旂發石也于是造發石車惠棟云說者卽賈侍中說

也杜以旂爲旃蓋本馬融今按新唐書李密傳造雲旂

三百具以機發石爲攻城具號將軍礮益可證賈氏之

說杜注雖本馬融然究不若賈說之信而有徵也蔡衛

陳皆奔王卒亂鄭師合以攻之王卒大敗祝聃射王中肩

史記作祝聃射王中臂

王亦能軍祝聃請從之公曰君子不欲多上

人況敢陵天子乎

今本作凌非是
从文選注改正

苟自救也社稷無隕多

矣夜鄭伯使祭足勞王且問左右仍叔之子弱也秋

大雩書不時也凡祀啓蟄而郊圖服虔注左傳曰一說郊

祀天祈農事雩祭山川而祈雨也

續漢書注

服虔注魯祭天

以孟月祭宗廟以仲月

釋例

龍見而雩圖服虔云龍角亢

也謂四月昏龍星體見萬物始盛待雨而大故雩祭以

求雨也

續漢書注

穎氏以爲龍見五月

釋例

始殺而賞圖賈服

始殺惟據孟春不通建酉之月

本疏

按杜注亦從賈服以

雩爲遠閉蟄而烝過則書冬涓于公如曹度其國危

遂不復謂地理志北海郡涓于應劭曰春秋州公如曹左

氏傳曰涓于公如曹臣瓚曰州國名也涓于公國之所

都杜注同

六年春自曹來朝書曰實來不復其國也楚武王侵隨

謂賈逵云隨姬姓

史記集解

世本同地理志南陽郡隨故國

此杜本使蘧章求成焉謂王符潛夫論蠢冒生薦章者王

子無鈞也令尹孫叔敖者薦章之孫也蘧與薦同按見

僖二十七年傳注軍於瑕以待之隨人使少師董成謂

爾雅董正也

杜本此

鬬伯比言於楚子曰吾不得志于漢

東也我則使然我張吾三軍而被吾甲兵詩毛傳張大

也此杜本

以武臨之彼則懼而協以謀我故難間也漢東

之國隨爲大隨張必弃小國小國離楚之利也少師侈請

羸師以張之韋昭國語注羸弱也

杜本此

熊率且比曰季

梁水經注引作李良

在何益闕伯比曰以爲後圖少師得其君王

毀軍而納少師少師歸請追楚師隨侯將許之季梁止之

曰天方授楚楚之羸其誘我也君何急焉臣聞小之能敵

大也小道大淫所謂道忠於民而信於神也上思利民忠

也祝史正辭信也今民餒而君逞欲

餒當作餒

祝史矯舉以祭

節方言廣雅逞快也何休公羊傳詐稱曰矯

杜本此臣不

知其可也公曰吾牲牷肥腍服虔曰牛羊曰肥豕曰腍

本書孔傳牛羊豕曰牲鄭司農周禮注牲純也杜取服

此秦盛豐備韻何休公羊傳黍稷曰黍在器曰盛惠士

奇曰禹廟殘碑作資盛說文作齋云稷也从禾齊聲或

作黍从次按石經宋本皆作黍鄭注周禮云盞讀爲黍

何則不信對曰夫民神之主也是以聖王先成民今本誤

正義引作先成而後致力於神故奉牲以告曰博碩肥膄於民多一於字

韻鄭元儀禮注博廣也詩毛傳碩大也杜本謂民力之

普存也詩正義引此謂下多其字按謂其畜之碩大蕃滋

也謂其不疾瘕蠡也韻釋文稱說文蠡作瘵按說文無瘵

字瘵字下注云小腫也从疒坐聲一曰族衆臣鉉等曰

今別作瘵蠡非是今攷玉篇瘵蠡皮膚病左傳曰不疾

癩蝨也。一作癩。按釋文所引說文疑屬玉篇之誤。又按說文瘞字注既云小腫而陸氏所引說文亦云皮肥是族衆不過皮毛肥腫之病。故玉篇云然。杜注以疥癬當之。考說文疥搔也。癩乾瘍也。恐非其義。謂其備臍咸有也。奉盛以告曰絜粢豐盛。謂其三時不害而民和年豐也。奉酒醴以告曰嘉栗旨酒。爾雅嘉善也。何休公羊傳栗猶戰栗謹敬貌。此杜本謂其上下皆有嘉德而無違心也。所謂馨香無讒慝也。故務其三時修其五教親其九族。古尚書說九族者從高祖至元孫凡九。按杜注九族雖用戴歐陽等說。然諸侯絕旁親。況下云致其禋祀。則非施于他姓可知。究當以孔鄭說爲是。以致其禋祀。說

文謹敬也

杜本此

於是乎民和而神降之福

文選注引此而下有後字

故動則有成今民各有心而鬼神乏主君雖獨豐其何福
之有君姑修政而親兄弟之國庶免於難隨侯懼而修政
楚不敢伐 夏會于成紀來諮謀齊難也 北戎伐齊齊
侯使乞師于鄭鄭太子忽帥師救齊六月大敗戎師獲其
二帥大良少良甲首三百以獻於齊於是諸侯之大夫戍
齊齊人饋之餼圍論語集解引鄭注牲生曰餼杜本陳樹

華云說文氣字下引春秋傳云齊人來氣諸侯槩字下

云氣或从既餼字下云氣或从食餼之爲氣槩之爲既

皆古文也杜子春云字當爲餼失之使魯爲其班圍鄭

元儀禮注班次也

杜本此

後鄭鄭忽以其有功也怒故有

郎之師公之未昏於齊也齊侯欲以文姜妻鄭大子忽大子忽辭人問其故大子曰人各有耦齊大非吾耦也詩云自求多福在我而已大國何爲君子曰善自爲謀及其敗戎師也齊侯又請妻之固辭人問其故大子曰無事於齊吾猶不敢今以君命奔齊之急而受室以歸是以師昏也民其謂我何遂辭諸鄭伯 秋大閱簡車馬也 九月丁

卯子同生以大子生之禮舉之接以大牢

接鄭注禮記作捷

國服

虔云桓公之大子莊公同

御覽

唐呂才陰陽雜書序以長

歷檢之莊公生當乙亥之歲建申之月賈注云不稱大

子者書始生

禮疏

服虔云接者子初生接見于父

御覽

卜士

負之士妻食之公與文姜宗婦命之公問名於申禱國賈

達云申編魯大夫

史記集解
杜取此

對曰名有五有信有義有

象有假有類以名生爲信論衡作生名下德命作德名

類命作類名以德命爲義論衡服虔云謂若大王度德命

文王曰昌命武王曰發

本疏

以類命爲象取於物爲假取

於父爲類不以國不以官不以山川論衡大戴禮及賈誼新

書胎教篇名無取于名山通谷不以隱疾不以畜牲論衡

鄭眾服虔皆以六畜爲馬牛羊豕犬雞

本疏

不以器幣論衡

服虔以爲俎豆罍彝犧象之屬皆不可以爲名也

本疏

人以諱事神名終將諱之

釋文以名
字絕句

論衡淮南王書曰祝則

名君高誘注周人以諱事神敬之至也故以國則廢名

以官則廢職以山川則廢主以畜牲則廢祀以器幣則廢

禮晉以僖侯廢司徒宋以武公廢司空服虔云武公名

司空廢司空爲司城

禮疏杜取此

先君獻武廢二山國諡法

聰明睿知曰獻又知質有聖曰獻是以大物不可以命

公曰是其生也與吾同物國惠棟云物謂六物歲時日月

星辰是也與桓公同日故曰同物古稱六物唐稱六命

命之曰同 冬紀侯來朝請王命以求成于齊公告不能

七年春穀伯鄧侯來朝名賤之也國服虔云穀鄧密邇于

楚不親仁善鄰以自固卒爲楚所滅無同好之救桓又

有弑賢兄之惡故賤而名之

本

夏盟向求成于鄭既而

背之 秋鄭人齊人衛人伐盟向王遷盟向之民于郊國

地理志河南郡河南故郊鄆也玉篇郊洛陽北地

杜本此

冬曲沃伯誘晉小子侯殺之

八年春滅翼 隨少師有寵楚鬪伯比曰可矣讐有鬻簡

韋昭國語注鬻瑕也辭綜東京賦注鬻隙也杜本不可

失也夏楚子合諸侯于沈鹿黃隨不會使遠章讓黃鬪地

理志南郡弋陽縣應劭曰故黃國杜本楚子伐隨軍于

漢淮之間季梁請下之弗許而後戰所以怒我而怠寇也

少師謂隨侯曰必速戰不然將失楚師隨侯禦之望楚師

季梁曰楚人上左君必左無與王遇且攻其右右無良焉

必敗偏敗眾乃攜矣少師曰不當王非敵也弗從戰于速

杞隨師敗績隨侯逸歸章昭國語注逸奔也鬪丹獲其戎

車與其戎右少師秋隨及楚平楚子將不許鬪伯比曰天

去其疾矣隨未可克也乃盟而還 冬王命虢仲立晉哀侯之弟緡于晉 祭公來遂逆王后于紀禮也

九年春紀季姜歸于京師凡諸侯之女行惟王后書 巴

子使韓服告于楚 圖地理志巴郡應劭曰左氏傳巴子使

韓服告楚

此札本

請與鄧爲好楚子使道朔將巴客以聘

於鄧鄧南鄙鄧人 圖說文鄧曼姓之國鄧鄧國地也春秋

傳曰鄧南鄙鄧人攻之按此卽哀十八年巴人伐楚圖

鄧之鄧杜注云楚邑蓋楚滅鄧之後鄧又爲楚邑也郡

國志南陽郡有鄧聚晉書地理志襄陽郡鄧縣按縣蓋

晉置後省圖經襄陽縣北有鄧城攻而奪之幣殺道朔

及巴行人楚子使薳章讓于鄧鄧人弗受夏楚使鬬廉帥

師及巴師圍鄧鄧養甥耶甥帥師救鄧三逐巴師不克闕

廉衡陳其師於巴師之中國廣雅衡橫也杜本以戰而北

爾釋文云稽康北音背韋昭國語注軍敗奔走曰北北

古之背字也杜本鄧人逐之背巴師而夾攻之鄧師大

敗鄧人宵潰爾詩毛傳宵夜也杜本秋虢仲芮伯梁伯爾

地理志左馮翊夏陽故少梁杜本正義據僖十七年傳

知梁爲嬴姓荀侯爾說文郇周武王子所封國在晉地

按應劭北征賦注引此作郇侯地理志注亦同郇荀古

字同賈伯爾劉昭引博物志臨汾有賈鄉賈伯邑伐曲

沃冬曹大子來朝賓之以上卿禮也爾服虔云大子桓

公子莊公射姑爾又云曹伯有故使其大子攝而朝曲

禮曰諸侯之嫡子攝其君來誓于天子則以皮帛繼子

男諸侯之上卿之禮也上卿出入三食三牢牽二牢一

享一食宴之也

同上杜取此

享曹大子初獻樂奏而歎

服度云初獻酒如獻爵樂奏人上堂也初獻爵樂奏大子

歎而哀樂也

同上

施父曰

服度云施父魯大夫取此

曹大子其有憂乎非歎所也

服以觀威儀省禍福無喪而感憂必讐焉今大子臨樂而

嘆是父將死而兆先見也

本疏

十年春曹桓公卒

號仲諡其大夫詹父于王詹父有辭

以王師伐虢

夏虢公出奔虞地理志河東郡大陽吳

山在西上有吳城周武王封大伯後于此是爲虞公爲

晉所滅

杜本此

秋秦人納芮伯萬于芮

初虞叔有王虞

公求旃詩毛傳旃之也

杜本此

弗獻既而悔之曰周諺有

之

李善文選注引作周任

匹夫無罪懷璧其罪吾焉用此其以買害

也爾雅賈市也乃獻之又求其寶劍叔曰是無厭也無

厭將及我遂伐虞公故虞公出奔其池圖經共城在解

州平陸縣西四十里冬齊衛鄭來戰于郎我有辭也初

北戎病齊諸侯救之鄭公子忽有功焉齊人餽諸侯使魯

次之魯以周班後鄭鄭人怒請師于齊齊人以衛師助之

故不稱侵伐先書齊衛王爵也

十一年春齊衛鄭宋盟于惡曹圖服虔以爲不書宋宋後

盟

本

楚屈瑕圖王逸楚辭章句楚武王生子瑕受屈爲

客卿因以爲氏將盟貳軫國名記貳偃姓在隨州南

楚滅之軫亦偃姓在楚東南亦楚所滅鄭人軍于蒲騷

國地理志江夏郡雲杜應劭曰左傳若敖取于邲今邲

亭是也邲釋文本亦作涓涓鄭音義並同按通典應城

縣有古蒲騷城今考安陸應城本春秋邲子之國邲人

蓋軍于已境也將與隨絞州蓼國春秋地圖洩在漢水

之北說文鄧地名从邑蓼聲釋文云蓼或作鄧鄭氏詩

箋亦引作鄧地理志南陽郡湖陽故廩國郡國志南陽

郡棘陽有湖陽邑杜同圖經監利縣東三十里有州陵

城春秋時州國伐楚師莫敖患之漢書志鬬廉曰鄭人

軍其郊必不誠且曰廩泗邑之至也圖廣雅虞望也按言

日望四邑之至也較社義爲長君次于郊郢以禦四邑

我以銳師宵加于鄆鄆有虞心而恃其城莫有鬪志若敗

鄆師四邑必離莫敖曰盍請濟師於王國鄭元禮記注盍

何不也

杜本此

對曰師克在和不在眾商周之不敵君之

所聞也成軍以出又何濟焉莫敖曰卜之對曰卜以決疑

不疑何卜遂敗鄆師于蒲騷卒盟而還鄭昭公之敗北

戎也齊人將妻之昭公辭祭仲曰必取之君多內寵國服

史云言庶子有寵者多

史記集解

子無大援將不立三公子

皆君也弗從夏鄭莊公卒初祭封人國郡國志陳畱郡

長垣古祭城

杜同此

仲足有寵於莊公莊公使爲卿爲公

娶鄆曼生昭公故祭仲立之宋雍氏女於鄭莊公曰雍姑

生厲公圖賈逵云雍氏黃帝之孫姑姓之後爲宋大夫

杜取

此雍氏宗有寵於宋莊公圖服虔云爲宋正卿故曰有

寵同校春秋之世宋未嘗以異姓爲正卿不知服何據

故誘祭仲而執之曰不立突將死亦執厲公而求賂焉祭
仲與宋人盟以厲公歸而立之 秋九月丁亥昭公奔衛

己亥厲公立

十二年夏盟于曲池平杞莒也 公欲平宋鄭秋公及宋

公盟于句瀆之丘宋成未可知也故又會于虛冬又會于

龜宋公辭平故與鄭伯盟于武父遂帥師而伐宋戰焉宋

無信也君子曰苟信不繼盟無益也詩云君子婁諸本盟作屢

今從釋亂是用長無信也 楚伐絞軍其南門莫敖屈瑕

之改正

曰絞小而輕輕則寡謀請無扞采樵者以誘之國高誘戰

國策注捍禦也廣雅樵薪也

杜本此

從之絞人獲三十人

明日絞人爭出驅楚役徒于山中楚人坐其北門國廣雅

坐止也惠棟云按兵法有立陳坐陳見尉繚子立陳所

以行也坐陳所以止也傳曰裹糧坐甲又云王使甲坐

于道又云士皆坐列司馬法云徒以坐固荀子曰庶士

介而坐道及此傳坐其北門皆坐陳也按此則坐字當

從廣雅訓爲止杜注坐猶守也于訓詁爲不合矣而覆

諸山下大敗之爲城下之盟而還伐絞之役楚師分涉於

彭詁水經漢水過筑陽縣東筠水出自房陵縣東過其縣

南流注之按道元云杜預謂之彭水今攷楚附庸臨彭

水當卽絞羅人欲伐之。𨾏地理志南郡枝江故羅國世

本羅熊姓。此杜本。使伯嘉謀之三巡數之。𨾏韋昭國語注

謀候也。鄭氏周禮注巡徧也。此杜本。

十三年春楚屈瑕伐羅鬪伯比送之還謂其御曰。漢志御

莫敖必敗舉趾高。𨾏按漢書五行志引傳趾作止高誘呂

覽注止足也。鄭注士昏禮古文止作趾。易虞翻注亦云

趾足也。此杜本。心不固矣。遂見楚子曰必濟師。楚子辭焉

入告夫人鄧曼。鄧曼曰大夫其非眾之謂其謂君撫小民

以信。𨾏說文撫安也。廣雅同訓。諸司以德而威。莫敖以刑

也。莫敖狃於蒲騷之役。𨾏說文狃犬性驕也。玉篇狃狎習

也。按杜訓狃爲怵。本小爾將自用也。必小羅君若不鎮

撫韻廣雅鎮安也其不設備乎夫固謂君訓眾而好鎮撫

之韻

服虔云夫謂鬪伯比

本疏襄二十三年

召諸司而勸之以令

德見莫敖而告諸天之不假易也不然夫豈不知楚師之

盡行也楚子使賴人追之韻地理志南陽郡隨有厲鄉故

厲國

杜本此

師古曰厲讀曰賴郡國志汝南郡褒信有賴

亭故國按此賴國所在當以地理志爲是及莫敖使

徇于師曰韻說文徇行示也从彳勻聲司馬法斬以徇廣

雅徇巡也杜注徇宣令也義亦本此玉篇徇同徇諫者

有刑及鄢亂次以濟淇水韻釋文本或作亂次以濟其水

按水經注引傳作亂次以濟淇水攷泲水與夷水亂流

東出謂之淇水

泲淇同後傳寫誤耳

逕蠻城南城在宜城南三十

里村預釋例羅在宜城縣西山中後在南郡枝江縣自楚及羅須渡此水杜本因脫淇水二字故注析不清釋文其字又誤脫水旁今从酈注及釋文增入二字又按杜注以此傳之鄢爲水名亦誤攷酈楚縣名昭十三年王沿夏將欲入鄢服虔云鄢別都也此傳文鄢字亦指楚縣而言不指鄢水杜注及正義皆誤遂無次且不設備及羅羅與盧戎兩軍之節釋文盧或作廬廬古字同按文十六年楚使盧侵庸書牧誓微盧彭濮人皆卽指此史記作繚亦通括地志金州有石盧國大敗之莫敖繚于荒谷羣帥囚于冶父節水經注沔水下白湖等三湖合爲一水東通沔谷東岸有冶父城按皆當在今江陵

又按說文荒谷字當作兪釋文亦云本或作兪荒後傳寫誤耳以聽刑楚子曰孤之罪也皆免之 宋多責賂

於鄭鄭不堪命故以紀魯及齊與宋衛燕戰不書所戰後

也註服虔云不日者公至而後定戰日地之與日當同時

設期公既不及期地安得及期日也本疏杜亦取此鄭人來請

修好

十四年春會于曹曹人致餼禮也 夏鄭子人來尋盟且

修曹之會 秋八月壬申御廩災乙亥嘗書不害也 冬

宋人以諸侯伐鄭報宋之戰也焚渠門入及大逵伐東郊

取牛首註水經注沙水又東南逕牛首亭東左傳伐東郊

取牛首者也俗謂之車牛城矣按道元當本舊說以大

宮之椽歸爲盧門之椽說文周謂之椽齊魯謂之桷

十五年春天王使冢父來求車非禮也諸侯不貢車服天子不私求財 祭仲專鄭伯患之使其壻雍糾殺之謂買

達云雍糾鄭大夫

史記集解

爾雅女子之夫爲壻將享諸郊

雍姬知之謂其母曰父與夫孰親其母曰人盡夫也父一而已胡可比也遂告祭仲曰雍氏舍其室而將享子於郊吾惑之以告祭仲殺雍糾尸諸周氏之汪謂服虔通俗文

亭水曰汪

一切經音義

按高誘淮南王書注作矢謂周氏之

汪今攷尸矢皆陳也義並通公載以出曰謀及婦人宜

其死也夏厲公出奔蔡 六月乙亥昭公入 許叔入于

許 公會齊侯于艾謀定許也 秋鄭伯因櫟人殺檀伯

史記作單伯

而

服虔云鄭守櫟大夫

水經注

又云櫟鄭之大都上

又史記集解杜取此

而遂居櫟

冬會于袤謀伐鄭將納厲公也

弗克而還

十六年春正月會于曹謀伐鄭也 夏伐鄭秋七月公至

自伐鄭以飲至之禮也 冬城向書時也 初衛宣公烝

於夷姜生急子

史記漢書人表並作倂釋文云急詩作倂

而服虔云上淫曰烝

詩疏取此

屬諸右公子爲之娶於齊而美公取之生壽及

朔屬壽于左公子夷姜縊**而**說文縊經也春秋傳曰夷姜

縊宣姜與公子朔構急子**而**服虔云構會其過惡

詩疏杜取

此公使諸齊使盜待諸莘將殺之**而**服虔云莘衛東地

同京相璠曰今平原陽平縣北十里有故莘亭阨限蹊

要自衛適齊之道也水經郡國志陽平侯國有莘亭杜

此壽子告之使行不可曰棄父之命惡用子矣國高誘

呂覽注惡安也杜本有無父之國則可也及行飲以酒

壽子載其旌以先盜殺之急子至曰我之求也此何罪請

殺我乎又殺之二公子故怨惠公十一月左公子泄諸本

今从古今人表改正右公子職立公子黔牟惠公奔齊

十七年春盟于黃平齊紀且謀衛故也及邾儀父盟于

趙尋蔑之盟也夏及齊師戰于奚疆事也於是齊人侵

魯疆疆吏來告公曰疆場之事國說文疆界也从畺三其

界畫也或从疆土惠棟曰古文作疆易周禮有疆地易

地楊統碑云疆易不爭張公神道碑云疆界家靜呂君

碑云慎守曩易蓋用此文慎守其一而備其不虞姑盡
所備焉事至而戰又何謁焉 蔡桓侯卒蔡人召蔡季于
陳 秋蔡季自陳歸于蔡蔡人嘉之也 伐邾宋志也

冬十月朔日有食之不書日官失之也天子有日官諸侯
有日御日御服虔云日官日御典歷數者也周禮疏日官居

卿日御服虔云是居卿者卿居其官以主之重歷數也本疏以

底日日御顧炎武云五經無底字皆是底字惟左傳襄二十

九年處而不底昭元年勿使有壅閉湫底乃章禮反耳

今說文本底字下有一畫誤也字當从氏按底與抵古

字通廣雅釋詁抵推也此抵日猶言推日耳杜注平也

似未諦禮也日御不失日以授百官于朝 初鄭伯將

以高渠彌爲卿昭公惡之固諫不聽昭公立懼其殺已也

辛卯弑昭公而立公子亶

韓非子作子亶

君子謂昭公知所惡矣

公子達曰

韓非子作公子圍

高伯其爲戮乎復惡已甚矣

韓非子復作報

歸

按據韓非子則復當訓報復之復鄭康成周禮注復

猶報也杜注重也失之陳樹華校本同

十八年春公將有行遂與姜氏如齊申繻

管子作申俞

曰女有

家男有室無相瀆也謂之有禮易此必敗公會齊侯于濼

遂及文姜如齊齊侯通焉歸服虔云旁淫曰通詩公謫之

歸韋昭漢書注謫譴也

杜本此

以告夏四月丙子享公歸

服虔云爲公設享讌之禮

史記集解杜取此

使公子彭生乘公

歸蔡邕獨斷乘猶載也公薨于車歸史記魯世家使公

子彭生抱魯桓公因命彭生折其脅公死于車按玉篇
幹字下引左氏傳云拉公幹而殺之云以手拉折其幹
今攷玉篇誤以公羊爲左氏傳下句卽何休注也詩毛
傳又云搯殺之說文搯捉也與拉字義亦通魯人告于

齊曰寡君畏君之威不敢寧居來修舊好禮成而不反無
所歸咎惡於諸侯請以彭生除之齊人殺彭生 秋齊侯

師于首止國服虔云首止近鄭之地

史記集解

郡國志陳留郡

已吾有首鄉

杜同

子臧會之高渠彌相七月戊戌齊人

殺子臧而輟高渠彌國鄭元周禮注輟車裂也

杜本

祭仲

逆鄭子于陳而立之國服虔云鄭子昭公弟子儀也

詩按

史記作召公子臧弟公子嬰于陳而立之是爲鄭子按

小司馬云左傳以鄭子名子儀此云蓋必有所見杜取服說是行也祭仲知之故稱疾不往人曰祭仲以知免仲曰信也 周公欲弑莊王而立王子克鬲賈逵云莊王弟子儀也史記集解杜取此辛伯告王鬲賈逵云辛伯周大夫也同上杜取此遂與王殺周公黑肩王子克奔燕初子儀有寵於桓王桓王屬諸周公辛伯諫曰竝后匹嫡兩政耦國亂之本也周公弗從故及

春秋左傳詁卷五終

曾孫用勲校刊